

# Мирса мичсö — серпас пыр

*Шуд уси веськавлыны «АРТпроСВЕТ» выставка вылö, кодi воссис кольöм ве-  
жонö Ёртасян керкалön выставочной залын, и быд окотитысь вермас волыны  
сэтчö октябрь помöдз. Петкöдлöма нелямын сайö удж. И абу сöмын Коми муысь  
серпасасысьяслön, но и Москва обласьтысь, Арменияысь, Азербайджанысь, Ка-  
захстанысь, Грузияысь, Финляндияысь да Испанияысь художникъяслön.*



Выставкасö восьтыны мöвпыштiс серпасасысь, живописец, серпасасысьяслön войтыркостса федерациялön Санкт-Петербуркса отделениеö пырысь Александр Золотков, а тайöс вöчны вöзйöма испанеч Знамен Станичев. Налы ёна отсасымаöсь Сыктывкарысь Анастасия Сенькина да Надежда Боровкова, сiдзжö Москваысь Аделина Хаджи-Саввопуло да Арменияысь Аракс Погосян.

Выставкалön медшöр могыс — тöдмöдны видзöдысьясöс öнiя художникъяслön творчествоöн. И татшöмсяма экспозицияыс сётöны позянлун тайöс вöчны. «АРТпроСВЕТ» выставкаын петкöдлöм уджыясö гижöма живопись да графика отсöгөн. Танi эм и портрет, и пейзаж, и натюрморт. Эмöсь сюжета уджыас. Быд удж быттö быдса мир, кодi нуöдö видзöдысьöс серпасасысьяслön странаö, и серпас пырыс нин тэ





тöдмасын тайö войтырыслөн культура-традицияөн.

Серпасъяс бурджык видзöдны ылысянь. Öти удж менö дзыкöдз шензьöдiс. Александр Золотковлөн сийö. Ваын черияс уялны. Но кор видзöдан серпас вылас, он дзык пыр аддзы найöс. Фотографируйтi да, чериясыды мыччысисны. Ёна кажитчисны Армениясы Аракс Погосянлөн серпасъясыс, кодъясöс вöчöма графикаөн. Тайö миян олöмысь ичöтик серпасторъяс, но сэтшöм матынöсь и сэтшöм мусаöсь. Надежда Боровковалөн уджъясыс аслыспöлöсöсь. Сылөн серпасъясын петкöдлöма мортлысь сьöлöмкылöмсö, и тайöс аддзан персонажлөн синъясысь.

Выставка восьтигөн юргис шылад — скрипкаөн ворсiс Антон Платов да петкöдчис «Сигудэк» ансамбль. Таысь кындзи ви-

деойтöд пыр петавлисны вочасыны серпасасысьяс, кодъяс эз вермыны волены Коми муö. Тайö Испаниясы Знамен Станичев, Азербайджанысь Нана Нариманбейли, Казахстанысь Камила Жапалова, Грузиясы Алла Антонян, Москваысь Виктория Мурзинская.

Выставкаыс меным ёна кажитчис. Сийöс позьö волены да видзöдлыны, донъявны, петкöдлыны ныв-шыды, сулыштны-мöвпалыштны серпасъяс дорын. Жаль, мый эз удайтчы аддзысьлыны серпасасысьяскöд аскöдныс. Öд, чайта, найö унатор вермисны висътавны асланыс уджъяс йывсыс: кытысь босьтисны сюжет, мыйла быть тайö йöзсö серпасалисны да мыйла татшöм ногөн артмис налөн картинаныс.

**Надежда ПУНЕГОВА.**  
**Снимокъясыс авторлөн.**

